

## **SESSION PUBLICA DE CONSTITUCION DETH NAU AJUNTAMENT, CELEBRADA ETH DIA 16 DE JUNH DE 2.007.**

Ena Sala d'Actes dera Casa Consistoriau, quan son es onze ores deth dia 16 de junh de 2.007, s'amassen ena Sala de sessions d'aguest ajuntament, cossent damb çò dispausat en er article 195 dera Lei Organica 5/1985, de 19 de junh, deth Regim Electorau Generau, es còssos qu'eth passat dia 1 de junh de 2.007, sigueren proclamadi elèctes pera Junta Electorau de Zona de Vielha coma conseqüència des resultats des darrères eleccions locaus, convocades peth Reiau Decret 444/2007, de 2 d'abriu, qu'a continuacion se relacionen, que constituïssen era totalitat des còssos electes d'aguesta Corporacion, damb era finalitat de celebrar era session publica extraordinària de constitucion der ajuntament, assistidi per jo, eth Secretari -interventor que dongui fe der acte Sr. Enrique Servat Saforcada.

### **ASSISTENTI**

#### **CÒSSOS ELECTES**

- Francisco Rodríguez Miranda
- Marga Barón Palacio
- Manuel Barrau Salmerón
- María Angeles Medán Noguera
- Ignacio Gómez Pérez
- Jose María Castellá Rella
- Jesús Antonio Folgar Janeiro
- José López Ruiz
- Daniel Burguete García

#### **CANDIDATURES**

- UA-PM-PSC
- UA-PM-PSC
- UA-PM-PSC
- UA-PM-PSC
- UA-PM-PSC
- UA-PM-PSC
- UA-PM-PSC
- CDA
- CDA

En prumèr lòc pren era paraula eth Secretari entà informar as presenti qu'er objecte d'aquesta session ei procedir ara constitucion deth nau Ajuntament cossent damb çò establert ena legislacion electorau, qu'implique era realizacion des operacions següentes:

- a) Constitucion dera Mesa d'edat, formada pes còssos electes de major e menor edat presents en er acte.
- b) Acreditacion des còssos electes deuant dera Mesa d'edat, per miei dera presentacion dera credenciau expedida pera Junta Electorau de Zona e eth Document Nacionau d'Identitat.
- c) Formulacion deth jurament o promesa deth cargue, per miei dera formula legauament prevista d'obesissença ara Constitucion, ar efecte d'aquirir era plenitut des sues funcions.
- d) Eleccion der Alcalde.

Atau madeish peth Secretari-interventor s'informe as presents en aguest acte que se trapen a disposicion de toti es còssos electes era documentacion exigida en er article 36.2 deth Reglament d'organizacion, Funcionament e Regim Juridic des Entitats Locaus, ei a díder, er acta d'arqueig, justificants d'existéncias en metalic o

valors depositadi ena caixa municipau o en entitats bancàries, atau coma era documentacion relatiua ar inventari deth Patrimoni Municipau.

Seguidament peth secretari se procedís a cridar as còssos electes de major e menor edat, damb er objecte de constituir era Mesa d'Edat, era quau cossent damb er article 195.2 dera Lei Organica 5/1985, de 19 de junh, deth regim electorau generau, ena sua redaccion actuau, estarà constituïda peth còsso electe de major edat, Senhor José López Ruiz qu'actuarà coma president e peth còsso de menor edat Senhor Daniel Burguete García, e peth secretari dera Corporacion, eth quau convide entà que pujen ar estrat e ocupen es lòcs assignadi ar efecte, restant constituïda era Mesa d'Edat.

Per Orde deth President dera Mesa d'Edat, dempús de declarar dubèrta era session, se procedís peth Secretari ara lectura deth nòm e cognòms de toti e cadun des còssos electes qu'assistisen ara session, es quaus, d'un en un, se dirigissen ara presidència, a on per part des membres dera Mesa d'Edat, se compròbe era sua credenciau, acreditant-se per cada còsso electe era sua personalitat deuant dera madeisha, per miei dera exhibicion deth sòn document nacionau d'identitat.

Un còp acreditada per toti es còssos electes era sua personalitat, e comprovat que toti an formulat es declaracions es quaus se referís er article 75.5 dera Lei 7/1985, de 2 d'abriu, reguladora des Bases deth Regim Locau, ena sua naua redaccion dada ara madeisha pes Leis 11/1999, de 21 d'abriu e 14/2000, de 29 de deseme, peth president dera Mesa d'edat se sollicite s'existís beth còsso afectat pera bera ua des causes d'incompatibilitats previstes ena lei Organica deth Regim Electorau Generau e auta legislación concordant, qu'ac manifeste en aquest moment.

Per hèt de non declarar-se arren sus acò per part des còssos , s'enten que non se trapen afectadi per cap des causes d'incompatibilidad sobrevengudes damb posterioridad ara sua proclamacion, previstes en es articles 202 e 203, dera Lei 5/1986, de 19 de junh , ena sua redaccion actuau, e auta legislacion aplicable.

Acte seguit peth president dera Mesa d'edat sollicite que toti es còssos se meten de pè e que peth secretari se procedisque ara lectura dera formula de jurament o promesa establerta peth reiau decret 707/79, eth text literau dera quau ei eth següent:

“Juratz o prometez pera vòsta consciència e aunor complir fideument es obligacions deth cargue de còsso der Ajuntament de Bossòst, damb leautat ath Rei, e respectar e hèr respectar era constitucion “.

Prodedint peth secretari a nomenar a cada un des còssos, es quaus responent qu'òc ara pregunta formulada.

Finaument es membres dera Mesa Juren o prometen eth cargue, començant peth de mes edat.

Seguidament eth President dera Mesa d'edat declare constituïda era Corporacion, senhalant tot seguit que se procedirà ara eleccion der Alcalde, entre es membres dera Corporacion que encapçalen es corresponents listes e presenten era sua candidatura. Damb aguesta finalitat autreje era paraula ath secretari, qu'explique qu'era eleccion se realitzarà per miei deth procediment de votacion secreta, ena que cada còsso, respecte des candidatures que se presenten depositarà eth sòn vòt ena urna destinada entara aguesta finalitat, resultant elegit Alcalde cossent damb çò dispausat en er article 196 dera Lei Organica 5/1986, de 19 de junh, eth Regim Electoralu Generau, eth candidat o candidata qu'obtengue era majoria absoluta ena prumèra votacion o en sòn defecte, eth candidat o candidata dera lista qu'age obtengut mès vòts enes eleccions.

Dempús d'açò, e a requeriment deth President dera Mesa d'edat, se presente coma candidats a Alcalde es còssos qu' encapçalen es sues corresponents listes qu'a tòt seguit s'indiquen:

CANDIDATS	LISTA ELECTORAU
Francisco Rodríguez Miranda	UA-PM-PSC
José López Ruiz	CDA

Seguidament se procedís ara realitzar era votacion e pes còssos electes se deposite eth sòn vòt ena urna destinada ar efecte. Un còp efectuada era votacion se procedís a realitzar er escrutini, eth resultat deth quau, qu'ei anonciat peth president dera Mesa d'edat, ei eth següent:

CANDIDATS	VÒTS OBTENGUDI
Francisco Rodríguez Miranda	7
José López Ruiz	2

Vots emetudi: 9  
Vots en blanc: 0

Realizat er escrutini, e auent obtengut eth còsso, Francisco Rodríguez Miranda, era majoria absoluta de vòts ena prumèra votacion, ei proclamat Alcalde, pera Mesa d'Edat, eth president dera quau li pregunte s'accepte eth cargue d'Alcalde der Ajuntament de Bossòst.

A continuacion, e previa acceptacion deth cargue , per part deth Sr. Francisco Rodríguez Miranda, eth President dera Mesa sollicite que peth Secretari, se procedisque ara lectura dera formula d'acatament ara Constitucion legaument establerta, eth text ei eth següent:

“ Juratz o prometez pera vòsta conciência e aunor complir fideument es obligacions deth cargue d'Alcalde der Ajuntament de Bossòst, damb leutat ath Rei, e respectar e hèr respectar era Constitucion”.

A continuacion er Alcalde electe, Senhor Francisco Rodríguez Miranda, emet era sua promessa de respecte ara constitucion , per miei dera manifestacion següent:

“Si lo juro “

Dempús d'açò eth president dera Mesa d'Edat, convide ath senhor Alcalde a ocupar era presidéncia , moment a comdar deth quau quede disòlta era Mesa d'edat, e s'incorpòren es còssos as sòns respectius lòcs.

Acte seguit pren era paraula eth Sr. Alcalde, e realize eth discurs de cloenda der acte e un viatge finalizada era sua intervencion, lhèue era session entàs onze ores e vint-a cinc minutes, dera quau s'esten era presenta acta, que jo coma secretari certifiquei.

Eth Secretari

Vist-e-platz  
Er Alcalde

Enrique Servat Saforcada

Francisco Rodríguez Miranda